

Zura & Lupo, 10j.



suechet zäme äs nöiis Daheime i Wohnigshautig

Liebi Tierfründe

Hoi, Du da, wer bisch Du? Mir sy d'Zura u dr Lupo u uf dr Suechi nach eme nöiie Daheime. Warum? Bi üs daheime het's izwüsche zwöi Chliiching, entschprächend rund geit's bi üs zue u entschprächend wänig Ziit hei sy für üs, mir chomme eifach z'churz. Itze suechet sy für üs es ruhigs Daheime, nur für üs zwöi. Drum!

Mir sy Gschwüschterti, uuzertrännlech, 10jährig, kaschtriert, gimpft u schtuberein, zwöi ganz liebi, samfti u verschmuesti Büseli. Ig, dr Lupo, bi chärngsung. D'Zura het abr leidr es Härzproblem, sy bruucht ab u zue Tablettli, nimmt sy abr problemlos. Mer muess es eifach beobachte u vom Doc lah kontrolliere. Drum hättet mir ou gärn es ruhigs entschannt Daheime. Mir liebe's, mit'm Fädeli u mit'r Angu z'schpiue u höckle ou gärn bi Dir ufm Sofa u schmüsele gärn. Mit üs bechunnsch Du böides: es echener Schüeches u es echener Nöggiirigs. Mir sy guet erzoge u chönne üs benäh. Mir möge: ufm Baukon sünnele u Homeofficele u eifach bi üsem Mönsch sy. Mir möge dagäge gar nid: chliini "wiudi" Ching (so ab 12i isches cheis Problem), Hung u Chatz daheime. Mir sy gärn Alleiprinz u -prinzessin!

Mir sueche zäme liebi Lüüt mit viu Ziit, die üs uf Läbensziit wönnt verwöhne u uf üse Gsundheit achte. U d'Fäupfläg nid vergässe, das muess sy. Bisch Du villiicht grad pensioniert u hesch Du viu Ziit odr machsch Du Homeoffice? U hesch Du en breits gsicherete Baukon mit ere schpannende Uusicht? Das wär's! Denn müesset mir üs unbedingt lehre chenue. Ah ja, mir wohne z'Embrach/ZH, züggle abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs däs nöii Plätzli. Mir fröiie üs uf Di! Oh, bisch Du das dört scho?



Dini Zura & Lupo



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

sonja.ball@bluewin.ch